

今白華堂詩錄

今白華堂詩錄

目

卷一古體詩四十七首

卷二古體詩五十一首

卷三古體詩七十二首

卷四古體詩三十七首

卷五近體詩一百五首

卷六近體詩九十九首

卷七近體詩九十六首

卷八近體詩一百一十一首

咸豐二年春華以請假回籍偕諸弟姪共輯

先資政公詩文擬爲正集六十四卷詩之例蓋編年也華復用分體之例別爲詩錄八卷約得集中詩五之一均將以待

公手定而弗逮矣年來先後付梓者古文六十篇時文七十篇旣非定本因不敢託爲完書今覆檢所錄古近體詩其篇帙正相稱焉爰附刊之爲異時存一

校本云同治八年正月男華謹識

今白華堂詩錄卷一

古體詩

敬讀 先大父手鈔書

考工張且奧南華渺以肆異哉兩手筆各闢一天地
奮儒貪循常焉能有文字我 祖好讀書二書尤篤嗜露鈔雪
纂餘將樂楮盈笥喬硯通精神晏楹閱年歲手澤弗忍讀
尊藏吾 父意趨庭幸授兒執卷痛餘淚跪受將如何薰
沐日啟視或如歷星垣或若觀海市或盈雷雨象或羅鼎
彝器或萬物刻雕或一切唾棄方寸闕畛域兩家通驛騎
懿惟我 祖德磨琢玉金粹餘力窮斯文亦探著作祕憑

空得妙想千古隻成對童孫愚無知始驚繼猶昧肝蠻恍
來告心目患自蔽事物何不有養新在潛契一語重丁甯
無根莫逞異

舟中望縹門山

澄江澹夕暉野色相與暮帆轉西林來弭櫂一延係絕壁
分向背曲屏自回互百丈開風潭虛景納無數孤嘯羣山
麤薄暝衆鳥赴陰崖雷雨黑溜痕直下注仰見林杪人俯
循煙際路邂逅此幽境川程惜難住望中逝巖壑衣上泣
月露隱隱見越城蒼蒼出雲樹

湖上晚歸

昔聞西湖名十載常夢見花柳應待余今來始乘便歌裝
不暇解心若離弦箭蹙雲雨芒屨障日一葵扇向西莫問
途獨往忘近遠風光泛晴郭嵐氣晡夕甸鼻觀荷香來迥
塘綠雲徧斜陽下林麓明滅交彩絢層崖結精藍大佛半
嶺抗虛殿岳王祠湖影漸親人樹裏明一片似從浣谿曲微
窺西子面行行段家橋梵鐘出鄰院清景阻探尋遠目窮
睇眇巖扃不下鑰肯學歸鳥倦疾趨返重闔猶餘足力健
燈火正滿街孟蘭事秋薦

武陵山桃花歌

五柳先生去千載世事榮桑亦滄海那知一記傳太原風

光徧認桃花源聞道清谿武陵境眼前卻覩翠微嶺翠微
路入仙人家仙凡祇隔千桃花林中古洞巖壁立林外紅
泉錦江溢時時花意笑迷津往往山靈呈幻術青苔白石
紛春巘渺茫香海春風遠山前無地種胡麻花下有人憶
劉阮我來悟徹世外情堯賓詩意宗泉明一語爲報仙之
人清時漫說猶避秦

秋夜感懷

江湖秋已深河漢浩無畔愁來似水流抽刀不可斷中庭
螢火繁推枕起夜半去日良苦多披書再三歎

書生翫中巖慕榮坊誦讀霜聲一夕起凋盡鬢痕綠窮達

有定分何勞問隍鹿浩浩越海風盪我愁萬斛

望嶺上松雲

開門不見松半山淪雲氣孤鶴忽一聲采藥人來未須臾
風滿梢雲散露危巢餘姿猶澹蕩遠與村煙交濤聲響空
外圓影撐青蓋下有刷蒼者行歌出蒼靄

古意

鳳皇栖丹穴竹實堪療飢之子在衡門日飲門前谿谿光
定性情谿響清心脾一朝辭故山胡為向塗泥菀枯苟兩
忘出處理亦齊賢才喻抱翼所惜文采奇爭食利爪距鳳
皇不如雞

金烈婦詩 烈婦所適非人遭誣自沈以明志鄉人哀之

薄命妾不足與同室薄倖郎不足與同穴毀郎身家不足
毀妾名與節妾年待字動鄰里阿爺選壻得蕩子媒來通
詞謂壻悅女美女顏穠華心白水入門充君房勸作妖冶
妝房中何所有七寶象牙牀牀上何所設羅帳垂香囊狎
客醉逐春風狂女顏怒發赤紛紛客走匿客貸緡無已時
郎愛狎願傾貲但言莫教新婦知新婦知戒勿為郎家門
戶阿誰守外宿親串內新婦瓜田李下狎客藉口郎歸夜
半門外聚狗屠刀光如雪祇待郎一呼郎不得閒空嗟吁

女家有髻奴少小被提抱披衣曉起郎一笑決計誣奴出
奇巧妾身誤聰明識字十二三手鉗紙尾試妾書不知郎
心有若蠶尾毒意潛包含間日一兩字叢殘那相屬郎本
信口授妾本信手錄逾時展紙竟可讀上云髻奴無禮卑
亂尊下云甘作棄婦還家門肩輿門前來郎詞何宛轉爺
孃在牀褥急去且緩返爺孃喜女歸喚妹具餐飯姊妹七
八人誰道是相遣誓書倉猝僮僕投舉家失色女如鯁在
喉女復申申冒狎客聞之笑不休女謂阿父豈無官府兩
造具備維壻與女官府神明知妾心手提判筆何沈吟官
府知郎能揮金千金為壽恣爾壻此時家貲狎客睨既速

我訟穿我墉翻雲覆雨安可窮閨房又見新人充舊人飄
瞥同飛蓬阿父再訴官詰窘大言滿堂阿兄憤官羞變怒
相嘲哂妾家姊妹節懍懍為妾何堪埽地盡候濤山插驚
濤登山一躍爺孃兄弟姊妹俱號咷官府狎客舌為橋郎
亦頸縮亟攜新人逃嗟哉精衛詎爾若抱恨身填海一勺
沈冤洗盡海應涸留妾香屍鎮蛟鱷香墳無屍魂所託日
走詩人薦清酌傾城婦女淚珠落此恨無可雪此烈可無
紀烈婦繫何人玉容姓金氏明經之女父曰渭

歲暮雜詩

男兒事四方設弧父母心宦學夙所願其如離憂深兒行

出西郭舉目已雲岑迢遞竟半載門庭日蕭森兒歸拜
堂下春暉盪寒陰暄淒在氣象寫以笑語音定知望遠日
老淚頻沾襟兒去若無憂歸何喜不任

半載經七郡行蹤如磨旋西冷乍問渡鏡水俄迴沿翦燈

風潮夕摛毫雲漢篇歸院恰賞秋桂露下金天蔣侯佇搜

才

錢塘令名重耀

冰心盟月圓

中秋闕試卷畢

取次逐使節同舟侶皆仙

鴛湖藕花外浪湖蘋花前轉櫂下江渚婺睦三衢連飽歷

山水窟頗能狀雲煙庭前試具陳親顏為鞮然

塵裝迎歲換歛然舉體清蘭華映彩服春向陔南生入室

恍非故軒窗令眼明新婦能記憶七夕水盈盈

是歲以七夕辭家述

婚甫六閏月也 幼女卻且前長揖不出聲日暮神志定尤喜親寒
築湖濬動爆竹竈觚羅香錫歲需已略具念出百計營
慈親長自勞遊子若為情

出門

七旬 堂上親千里膝下兒兒行在須臾 親意猶頻催
欲示慷慨情下堂手一揮臨別每輾轉此別不忍思
出門徑前行惻惻兒在後請勿過勤勸勸詞出親友無語
自歸去何人侍左右腸斷閉門聲不忍更回首

下第用秋夜感懷韻

拋書眠復醒白蟬綠枕畔積陰欲經旬門外客蹤斷雁語

時一聲桂花落太半隔窗罷鳴機微聞秋女歎

太玄可默守南華勿悔讀成名等孺子白衣亦空綠由來
抱翼鳳未羨食苹鹿傳經 堂上心養志豈斗斛

豔曲

臨水有朱樓垂楊映蛾綠佳人字莫愁小姑伴獨宿甲煎
熏羅襦銀箏理豔曲靡蕪日煖春晝長捲簾笑語春風香
回看折枝繡文褥蝴蝶一雙飛上牀

東方先生故里

先生矯矯雲中龍神仙才子兼英雄金門一去冷桑梓歲
星千載沈蒿蓬時事分明勞諷諫一生浮誕疑班傳昇平

願應泰階符賈董之間見曼倩中朝王道成迂疎覆逆枝
離習揣摩莘野何妨談九主渭濱原不廢陰符廿年此地
煙霞窟擊劍讀書露風骨天意如憐王佐才更教小試終
難沒曾聞三度到瑤池求仙何用文成為或使浮槎渡銀
漢不然西出輪臺師茂陵劉郎信英主異等求才駕前古
眼底斯人古大臣上書自薦終無補索米長安不救貧為
鼠為虎誠何因君不見太倉歲例千囊粟飽死侏儒郭舍
人

琉璃河曉望

水風盪處緇塵歇紅板霜濃馬蹄滑蟹舍魚莊何處看一

片琉璃貯寒月溥沱月色最淒其曾照冰澌約葦時麥飯
亭遙人寂寂太行山影澹修眉

王彥章鐵篙歌

豹死留皮人死留名名動後世人往往誣生平琉璃河清
瀾瀾十二連橋映秋水紅欄盡處一柱撐騰擲黑蛟突青
兕王子明起壽昌縱橫夾寨誰能當浮河一日數十戰想
舞鐵篙加鐵鎗雖然公之戰功在德勝趙北燕南相徑庭
鬪雞小兒擁此州誰能超越如虛舟況度巨艇十圍計植
立入雲不可企若非軀幹伴防風縱有暴力難鼓臂尚勇
徒逞荒唐詞公名到今為忠義何不燬此更鑄趙巖輩跪

向鄭州鐵鎗寺

觀化用秋夜感懷韻

朱魚漾池影饑貓伺其畔
階前雀避貓飛觸蛛網
斷困蝶忽脫纏風花趁檐半
化機竟何礙觀物勞永歎

田夫習耕耘農書詎曾讀
樵漁在畫圖渾忘山水綠
評畫復訂書我輩何鹿鹿
大意試略觀天懷空萬斛

讀書用前韻

五三六經後道藝相背畔
著書日以繁秦火豈能斷
蟲鳥更代鳴不逾歲之半
千秋竟若何掩卷興浩歎

經世宗聖謨時律亦須讀
牀目先自懲寶身完結綠
學案

紛羣儒空譚等五鹿道心濬治源言泉漫論解

題經義考後

國朝經學匯淵海四大布衣稱儒宗竹垞著錄八萬卷石
室金鎖資旁通侍從歸來迪後學潞河南下書連艘傳志
存亡隙枚數秋林散帙翻金風晚年穉穉成此冊義例特
徧辭牢籠曰闕曰佚曰未見書名挂眼皆發矇存者討源
必竟委時或考異毋從同爵里姓氏篇目後附案開出偏
師攻卷逾二百信鉅典經定十四尤奇功惜哉三編僅有
錄得非撰述功未終或云隋書志經籍各就專說無相蒙
五行時令以類屬經流既導餘波通是書編次極參互驟

覺水乳難交融序跋備登亦稍允鼓臂恨乏裁翦工從來
著述易遭議此論雖覈殊未公先生意在備文獻不恃老
筆憑虛衷完缺與古更異趣何由強躡前人蹤垞南垞北
吾舊厯一亭想見羣書叢定知後學賴修綆陳經欲拜梅
里翁

娜環仙館蕉花曲

娜環花綵重闌干飛英紅配流霞餐靈書一卷圻風角碾
空縹碧春雲寒春雲低向檐牙吐翦作蓮跗綴瓊樹雀扇
兜圓寶相花螺杯捧滿金莖露瑤宮仙子青羅裳珊珊雜
佩千明璫掌上無聲振微步翠裾斜曳蘭佩香吟香綺席

瀛洲選碧檻三層衍波展

芸臺師招集己未翰
林於花下命酌賦詩

摘將翠鳳

尾瑇璉繡出美人心宛轉金穉晴薰濃靄霏石壇人去帶
餘菲空廊蝙蝠撩淺黛潑翻玉乳沾鸚衣閒來手捲芙蓉
幕琅玕倦倚無人覺香風吹透綠天心蘿月滿盤寒不落
轉首紗籠芝檢韜瓊房藥闥光週遭悟得書城孕奇秀青
藜夜結珠星高游仙一夢張華記綺思占斷羣芳麗為表
花神寫綠章雲膏小滴蟾蜍膩

秋恨篇送范秋淥孝廉

源澄

還里

長安萬戶秋風起一聲玉笛君歸矣破曉迎秋暮送君秋
情頃刻深如水憶昔曾聞叔望名未經識面已關情青楓

江上檣鴻迹白藕花前感鷺盟去年我別西泠路孤雲片
影關山度塵劫茫茫墜輦紅怕看渭北春天樹今年驛使
寄殘梅報道蘭成射策來握手相看惟一笑碧天雲影下
金臺虛堂人靜耿遙夕豪竹哀絲間叟喏香火因緣話隔
生江湖意氣傾前席臨風瓊樹絕纖塵未滿青蓮七尺身
如何生帶幽憂疾愛讀離騷弔美人雲煙兩度登科錄鄧
魴失喜唐衢哭焦桐音響和清商鸚鵡文章分慘綠我已
頻遭磨蝎磨認來蕉鹿又重訛聯牀孤館愁風雨夢裏同
聲喚奈何虞翻骨相應無命衍玠清愁還善病蛩蛭相憐
解慰深生才有用知天定寒蟄連日語黃昏思入江南鳥

夜村金盡囊空整歸勒風流雲散斷吟魂芸煙難述漂零
意莫怪號寒愁擁鼻世上才人涕淚多古來壯士悲歌易
羌我塊然等繫匏天涯書劍託知交知交零落人情幻對
面相欺背面嘲敢謂世途多逼仄逢時工拙關才力蛾眉
不慣淺深妝媿女爭誇金翠飾獨感中郎愛護勤搏風無
力欲何云 慈雲南望歸期杳定省長途羨卯君君亦生
非名利客倚寒翠袖矜高格難期同病起膏肓聊藉新知
吐肝膈矯首停雲感索居廬溝楊柳亦蕭疎將離難竟離
筵話未別先思別後書勸君歸發藏書窖任啜結習稽康
竈甬上經師後起衰他時要擅無雙號勸君莫更學從時

失步邯鄲悔恐遲儘看吟社風流競位置經生別有宜東

瀛一鏡煙波漾邇日羣仙作何狀

謂竺寶齋何梅履韓朗山諸君

應知抱

鶴月湖濱還勝釣鼇滄海上十洲三島正秋深中有君家
修竹林裙屐已縈懷舊意煙霞更入望鄉心記取秋宵分
袂後鳳城鐘鼓江城漏值君滅燭聽鴻時是我燈殘夢成
候異時儻得破松關淨洗緇塵水石閒顏色依然看綠鬢
心期相對指青山欲酬私願憑誰許買田陽羨徒虛語客
中送客幾番來到此不禁豪氣沮榜人催上泚川船月落
河梁思悄然無分從君無計挽此生悔坐有情天

題鍾馗像

人生無夢感天子所遭合被擲揄死藍袍魚帶神頽唐進
士科名黯如此聞君家在終南山梯雲捷徑埋榛菅天寶
宮中枉遊歷何如及早返故關君聞此言怒於色妖媚逢
時那可測且作鬼雄仗劍橫行羅剎國弱者之肉強之食
五月五日榴花紅置君堂上生陰風詩人多貧病願借先
生功迎神不用婆娑舞薦神不用桃湯釜先啖五窮後二
豎勝與先生作端午

晚泊江口對酒放歌

秋園已難還復青古人已去不復生江流日夕赴東海後
潮非復前潮聲百年未盡須飲酒飲者留名亦何有閒愁

萬古成塵埃樽前一笑懷抱開斜風細雨滿篷背麴生伴
我歸去來我處人海中搖搖如獨槳兀坐忽若蟻夢醒側
耳猶聞牛關苦一杯兩杯神沈冥遙山點點皆浮萍三杯
四杯晚雨過水底看天星月大此時身世俱茫然倚醉欲
趁鷗鷺眠凌風忽憶玉局仙壬戌之秋七百年

芸臺師毀海寇兵器鑄岳墓前佞人詩以誌事

我聞賊臣腹劍致人死今茲潢池盜弄毋乃是伏莽難稽
草竊誅鑠金那道姦諛罪精忠祠墓棲霞山墓門索索囚
羣姦白鐵無辜成鑄錯還應淚落松楸閒開府旌旗盪鱗
穴灌燧無聲白虹滅殘骸已散髓令魂斷鐵猶腥人鮮血

洪鑑一氣如轉輪凶器入冶成凶人庸知若輩逞荼毒不
為賊刃之化身岳家當日軍難撼江淮轉戰愁雲黦麻扎
方揮酋鹵頭戈船早落萑苻膽鯨鯢翦盡風波平風波轉
向亭中生三字獄成工鍛鍊一家奚啻死寇兵金陀遺恨
憑誰補橫海班師酌杯土銀鐙跪地空仇人猛士風雲慨
今古嗚呼錢江江底遺鏃三千弩安得更鑄此金事忠武
贈醫者二和尚

昨日喝不死死乃在今日睡餘迷悶語復詰驚走醫師窘
無術囁囁耳語是不可治必欲治者姑以葭投之主人袁柏
田觀趣具葭事巫莫能止兩生趙伯期侍側神栖皇忽動
吳梅梁

我心知死矣死生亦大事安可自糊塗
復來搖手示當為別圖是時冥然於世
百不關魂夢祇在一山松竹間恍惚
玉川子餉余七盃茶開眼乃見僧笑問
可思瓜蹶然奮起索瓜液磊磊綠沈為
余副劈主人在旁爭不得須臾神氣
定一身更無病徐詰醫師誰云是貴介
聲名馳再訊此僧狀知為走街二和尚
二和尚何殷殷嬾誦佛勤濟人今日
豈非出我於死地我欲自字為更生作
詩聊紀和尚一功德惜乎和尚不肯言
其名

西漢定陶共王陵鼎歌

沛陽草樹黃雲生高邱夜裂雄金聲
祕藏奇怪神所攬一

雷飛出搖彭城旋花細乳頭腹異虞荔鑿古殫心精頗知
是兩強為一顛倒配合生奇情銅肌蛙綠銘款在時代斷
非姬與嬴西漢定陶具陵供渝糜汧其屬邑名侈門兕郭
萬人下想見陪鼎從銘旌是時政君盛戚黨神器漸頹折
腳鏞共王蚤歲著才藝立愛未失元皇明易儲大計儻弗
阻覆餗何自來安成銅丸摘鼓不足道所恨主器難為兄
王嗣異日繼鼎祚新莽虐火成煎烹一傳已失陶太祖鐘
虞那得安宗祊吁嗟漢代事陵寢玉魚金盃徒充盈楚元
作俑尤可鑑幽宮問鼎得重輕此物當時幸逃劫赤眉發
冢能無驚千年陵谷終變易寶光煜爚騰巖坑鼎乎有耳

吾語汝時來發響宜
噲呖生才弱慙爾負空學
石鼎蒼蠅鳴請登山
左金石志曹南獲瑞徵
昇平不見綏和舊鑄
有成例紀寇盜平黃河清

姚江道中雜詩

江風遡夜濤一枕雨聲壯
侵曉推孤篷船影落樹上
雁路低溼雲魚天動新漲
奔泉挾葦叢排空勢一往
村郭人煙稀廬舍接泱泱
農夫久懸耒雨工盍稅鞅
晚禾與木棉衣食稅兼兩
所業在田疇若不事結網
鷓鴣立水灘日見魚鰕長

晨發姚江城晚艤蜀山渡
山勢競西折鄉心自東赴
客遊

便登臨且復尋前度春草環洲香扁擢月中住江流多變
聲所見條成故衝颿乘倅姿俄景久夕樹枯桑無人收巖
花亦已暮羈旅及半載彌辰役塵務流光去不知覽物始
驚寤予下下山坳蒼茫極四顧黃雀歸野田行子在歧路
港汊洄亂流巖壑競清響歸舟下瀨行滑笏平於掌長年
怯挽維趁溜不敢放飽謝蒲帆張穩惟竹君仗翦江商舶
來迅似挾飛檣挂席乘長風扣舷發高唱須臾折舵牙橫
波颿搖蕩滿載信易覆一壺倖無恙豈繫行程危操楫殊
鹵莽失勢在順流江湖動深想

殘夜無月光沙步一星靜槎頭鯉魚風明滅寒燈影波聲

如下灘衝網激修綆墟人間客榜鳴榔發清警振舵避昏
罟趨岸同仄徑何期一面開漂斷類萍梗婉詞謝墟人誤
觸勿喧競失魚良可嗟絕流儻宜省行行放舟去葭蘆霜
華冷

由阿育王嶺抵棟塘之盤谷

野步不踏事卻受天風驅呀谷百千變視聽逐步殊石氣
空中流松聲與之俱松石相關立森森逼眉鬚有若應真
會貌衆神逾孤牢落生道心欲去增躊躇羣動日夕轉域
地類戶樞甯知塵外境咫尺皆迷途疇昔動冥想恍惚經
此區香山夢海上夙因儻非誣何時盤之中相送還故吾

食餅

香風麪市銀沙靜，井華圓滴瓊酥冷。午雞茅店喚行人，滿
座春雲捲。風影餅師十指如輕梭，梭邊百疊湯纖羅。徑尺
無瑕瑩，稱穀堆盤有暈冰。裁荷薄壯牢丸訂，同異廣微一
賦嗟。難記儉腹真成賣餅家，老饕那管盛書地。縱橫漫厭
三斗蔥，關心箸下憶途中。憐他蒙袂黔敖側，盡日涎垂麥
隴風。隴頭往往炊煙絕，誰把流民傳畫筆。十字官廚蒸味
佳，雙歧農畝歌聲歇。紅綾未及齒先殘，余已落數齒異日還愁
畫餅看。且喜連宵擁圓几，會餐人似月團圓。

經塚莊泥蒲不前，賴村人相率開道，感而賦之示袁

筠亭

棧車做兩輪日行三五里復瀾陰霾中重險不踰咫轅駒
羸角羊驂駢負塗豕同患來村氓助役比僮指叱馭營厲
天扶輪頭沒水吾意警蹈危彼亦猶人子出處奚所關百
夫為勞止曩聞漢使經郡邑負弩矢習貴輕賤力驅民如
野兕但見士役民不見民賴士矧余一鰥生長途困行李
弗庸憂虛車無因謝疆以疇副推轂勤好為蒼生起雲雷
莖屯爻險難經綸始前望夷吾亭脫囚曾自此

曉晴發常路

晴雲絮帽輕放山出新沐朝爽詩魂知殘夢穩衾褥開門

樹到牀登車月在屋煙清蟬早吟花乾蝶猶宿山田盛黍
苗衆歡騰一谷按轡驕花驄蹄影入空綠輿夫行踏歌聞
如抱黃犢昨日百憂滋今晨萬念足世事安可期境外遺
榮辱

望泰山

萬物出震渾胚胎鴻濛元氣塞九垓厚坤幹局溟渤奠三
千神府驚天開盤盤石磴莽回向車走天風破青浪雲影
時攜高樹行客懷直與羣山壯羣山天外如飛龍具敖徠
甫相追從倒銜飛雨噴蒼穹回瞻日觀低火繖紫霞晴壓
千芙蓉陰陽昏曉信難測神化丹青妙顏色闐闐如披蓋

地圖冕旒齊擁朝天笏云亭碑碣蟠螭鼈升中髣髴祥煙
高漢秦玉牒揚馬頌競侈符瑞欺兒曹我思封禪從太古
羲軒何用矜麻姑受命當在即位初告祭原如告文祖吁
嗟乎金庭之闕崑崙都比視茲山尚塵土謾辭敢對天尺
五

五鼓出泰山道

車前呼明月明月忽在後屋外辭青山青山亂奔走白雲
滿枕星滿裳一身樹頂千迴翔出沒煙海危風檣月光時
與山低昂峰迴突下幾千尺城郭無聲天影白

開山道中

通谷疑褻斜陽厓互陰壑景匿長風趨百里恣盤礴岸容
纖草覆澗影寒松閣飛颺伺行李哀蟬激叢薄驅車出隘
口微茫辨沙漠西日倏已頽修途渺何託散步投青林歸
鳥向人落

護國寺觀市

夢中聞市聲般若大海潮客居本岑寂一闕驚崇朝推枕
亟起視出門日始高軌道盈煙埃列隧鼓譁囂是閒非闌
闌行買奇贏操五日一買遷皇皇肯辭勞巾笥織文列几
閣雕形饒乃知 皇都盛百貨隨所遭珍祕尤可採異采

輝僧寮西東卻相直名藍雙峯巖

陰福寺在東四牌樓北與此地更日爲市

祇林蔭廣場區落庭階分異寶競璀璨錯古器羅紛紜就中

驗時尚曰壺尤所欣

時呼鼻煙壺但曰壺

王公及與臺環觀動成羣

芒芴辨坯甗

以老坯為貴

豪穎較綵紋傾囊總弗惜楊價逾琳

珉昔聞崇仁寺五鎰雞缸珍翫好逐代易舊物安足云

雞缸

見竹垞集市中尚有之不以為珍

笑余淡無求過眼空煙雲近託晏嬰宅

貴賤聊與聞

陰廊作書肆萬本無一完散帙強鱗次當階共苔乾卻闕
廢簾中端整皮全編佳者出宋槧次亦琴河鐫云胡祕不
出賈人笑且歎宋本廢奪真茲冊遭迤邐細書盛巾箱毛
本亦懶看終歲匙問值弗勞捲復難定價竟何有精鑿良

獨難天吳及紫鳳聊備補叢殘

屬曹澹持畫竹石居圖冊

我家月湖畔累世守破屋開門草半庭日映湖光綠
先公此授經課兒十年讀環堵良自安偃仰無不足有時為
兒言惜少石與竹石介竹葆真生平意所屬捫之在吾胸
恍若到吾目頗思寫生手雲煙共一幅仲賓安盤陀嬾民
婦青復斯言猶在耳歸去泣風木遺志何日酬立身借圖
勛丹青曹將軍墨畫更超俗憑君寫清芬勝我營小築異
時供影堂將配仁者粟

今白華堂詩錄卷二

古體詩

恩兒生

北闕晨拜

恩歸來日欲晡喜得故人

雪

書開讀渾忘鋪

平安為代述兼賀門懸弧吾家三世系

祇

先祖以來一人

丁

久所須應念潘岳鬢始見徐卿雛紀

恩卻名子報

君增歡愉

慈親垂六旬遊子違膝下生孫及此時鄭重計璋瓦憶昨

勤禱祠

白頭向爾若含飴果如願銀鹿應手把取次

譏堂春晬盤佐壽斝繡祿仿萊衣聊憑祝純嘏顧惟

王

父心恨不見來者他時付喬視曷禁清淚瀉

人生事婚宦結願每重疊得第苟未能生兒意亦愜况余
迫中歲如農望妻饑好音乍傳聞欣幸露眉睫但恐閨中
書欲換泥金帖

上元後一日朱樂琴招同謙士通政子白明府夜集

陶嘉月

宅東舫室也樂琴屬
通政取謝朓句顏之

棖觸鄉思悵然有作

朱家龔舫排春筵如上五湖春水船鷗波主人肯割宅仍
浮圓子來東偏為道江南好風月吳淞回首殊惘然座中
三影填詞客高言更作驚濤拍便教萬馬出姑臧未若扁
舟泛笠澤鄙人卻憶謝客詩漾舟何處之江湄

詠懷五首

海岱瞻門高

海岱高門第 御製賜劉文正句也

風塵苦身賤飄蓬欣有託

恍如北林院

時移寓驢市街劉氏之北宅

新沼引涸魚舊巢謝殭燕世

緣任推移所止聊息晏馬周時未來逆旅孰能薦莫笑李

九齡綉編寫忘倦

設科攬羣士輔世藉鴻儒兒寬奏非俗魏舒籌未迂達政

如崔琳亦為一時模何必稱管樂數子已難踰經史足致

用仕宦乃與俱績學慙古人發迹憂通途回思舉子業豈

非詭癡符虛名償畫餅事業難可誣堂中鎮庫書

劉氏北堂藏書

數十架庶用愈吾愚

蘇湖治事齋言與經義別况茲觀政者書生已就列入政
以政學心殫智斯徹祛濫竽莫逃磨鈍刃誰折一人試一
事自足辨優劣奈何令隨衆畫諾無判決例案付吏胥孰
能制狡譎令僕實師長曷聽余陳說

唐虞多聖臣一職終身專後世迭遷職甯視臬夔賢歷官
既漫應治績亦無傳才藝若公且千古難比肩器成但適
用合偏斯見全曹參不答問大言敢欺天悠悠勿復道託
業在精堅

達人貴志操鄙士炫才略違性隨時趨欲前步已卻二陳

起吳下其一最諤諤

虹江名啟
文常州人

一攜冰雪文高寄在雲鶴

稽亭名鶴
元和人

方干浙中秀

鐵船名元
鷗金華人

詠詩同寂寞恥為熱寵

因甘讓先鞭著工曹有三君令我難非薄
惻悵道風遐茲

焉素心託

上元日

正大光明殿觀曲宴

廣殿排林巒仙韶趣

入聲

舉酌月地麒麟行天闔鳳皇叫碧

空下歌僮

四童子從
煙火中下

踏裂渾沌竅彩仗叢雲輝會弁列星

耀龍種揚盛儀鵷班承舞蹈騎綠射獬連
佾胥乘翟效四

夷縵樂張百戲偃師教拔河奮鯨吐尋
撞迅猿踔貫耳垂

彎環聯臂叶繚繞芬芳飮座珍睢盱懷
核笑萬國歡朝正

一人豐燕勞朝陽湛露晞晝接天光照
諒與嘉賓筵難忘

國士報幸陳既醉詩園直敢嫌爆

正月十九日 西園觀煙火

五雲捧出蓬萊宮，奠階寶展紅雲紅。仙仗擁日祥光融，乍
班劍履聞呼嵩。婺州進技

婺州人會放煙火
載朱子全書中

燕九逢天

歡應節溢眸，容紫榆新華銜燭龍。火毬吐燄迤長虹，金蛇
四掣晃碧空。晶屏漾白銀河通，銀河倒挂珠星籠。光燈萬
目搖雙瞳，紅蓮湧地俄幾重。畫衣朝袖紛仙童，牌分花甲
成花叢。庚辰寶字貫當中，太平萬歲圖相從。須臾光景復
不同，霞標對起連嵯峰。赤燦奮烈銜颯衝，飛矛擊破撞輞
轆雷鼓上應聲隆隆滿天瑞，鷓鴣煙烘單干起舞肇。堯

鍾呼圖讚佛揚神功乘陽布令 大德崇徧賚文綺 恩
龐洪閣道回蹕鏗華鐘禁林草樹增蔥龍輕寒散盡蘇蠶
蟲芳淀合還瞻朝宗中外笑語皆春風

紀卮花獄

長安一夕幾家失小兒千家父母相顧驚且疑但聞人言

日鼎沸不知其事誰見知婉婉中丞

長副憲

孫潭潭相公

長

庵協

揆 府嬉戲捉迷藏何為出外戶紀綱見報追及之時神

色類妖蠱相公上陳搜治妖人游徼四捕乃得一嫗嫗牽
至兮形獮猴茹五毒兮嘶咿嚶苦鞠兮不承袖有物兮若
繩青煤白楮兮相包纏向日吹火兮生微煙秋部多張湯

此情識者寡，竊問老獄卒云：是卮花者，煤中雜藥，燻之能使兒自行得兒之後，若非掠賣，卽採生白相公為嗟善人。言非訛，此其左驗。窮厥醜類，毋遺育勝之在武健嚴酷一。嫗引類，宋嫗屬道上貧婆，半入獄法吏來樞庭為我述此言。我心輾轉不覺同迷，惛曾聞會稽麻胡能食小兒腦，又聞虎邱婦擁嬰兒魂，任生呼之始脫懷抱。見王楙野客叢談及張讀宣室志彼皆鬼物，此人耳世間怪事，那有此若如聶鋒女。隱見娘偷乞食尼尼，乃飛仙劍俠，安得為爾羈諺云：停囚長智，智者之事，殆不可思議。姑請詰老卒所言，何徵勿恍惚，或令一試為其言驗否。當可知法吏唯唯，似不余鄙，須臾下直。

吾歸休忽聞西市已決鯨花囚詰朝有客為余道市中徹
夜鬼哭聲啾啾

九月初一日晚直有紀

清時捍海資鷹揚孫恩何物能披猖曾聞養寇掣人肘一
朝投竄 天威彰異哉承 恩新節督冥然不做前車覆
下手縱橫急遞章甘心摧折元戎纛元戎勇鬪常輕生鯨
波萬里方孤征爾曹頰顏避劇賊轉憑赤舌燒長城一疏
兩疏足疑怪

帝知爾心有織介三疏四疏恣擊掎

帝鑒爾愚被指嗾捕風捉影

四字恭本
諭旨

來信信耳聞豈若

目見真按實應須任疆吏

浙撫

贊謨初不煩樞臣矯矯中丞

矢特立奉

詔東馳星火急直從海上尋元戎戈船一見

相持泣可憐元戎面如腊牙門家門久不入萑苻未靖罪

當誅蟣蝨叢生體遑恤中丞拊背為易衣飛礮開洋旗一

揮節樓遙望不相見歸來拜表還歔歔今朝煙霧風吹去

秋霽剛迴

六龍御四百里

驛遞日行四百里

到中丞函第五番

來節督疏疏中誣構尤多端逗撓恇怯兼媮安彼此匪惟

相徑庭情偽那復逃參觀傳宣乙夜金蓮炬親御丹毫

示天怒直教延頸需歐刀

硃批云若再挾私逞忿遇事掣肘朕必取汝首級

已見

誅心赫王斧森嚴比例出

絲綸照灼神姦禹鼎陳護子

良將精忠岳嗟爾元兇長腳秦

殊批云朕豈受汝蠱惑莫須有三字自失良將

耶元兇自古遂專擅良將于今荷

寵眷再造東南保障

身朝班浙士皆雷忭感頌

恩威豈有私算來鑄錯太

昏迷蠲除孽障亦何幸猛省應知賴

聖慈君不見三字

獄成淪萬劫還由賊檜不逢時

永光寺街寓舍誌異

孟秋月生霸西苑下直歸慈親命我酌言笑依庭闈問

知蓬頭兒庭西臥曲室臥榻胡作響砵歛類鞭扶兒驟啼

不堪聽母驚負之出再三呼乃醒室中無人暗風起颯颯

寒聲振窗紙聞宅不祥今信矣

妻兒且避吾醉眠醉呼猶狂汝來前昔人居猗玕虎蛇讓
穴窟汝縱劣虎蛇我非於汝奪可憐貧宦立門戶薄俸未
足償屋主屋主受賃何莫禁乃咎賃者來相侵明當移為
廩令此漲浮塵惡馬逞蹊齧猶於度朔神吾聞務本坊西
有鬼市見輦下
歲時記古今輦下定相似爾往朝夕得所求毋為
守此同牢囚

昨宵罵鬼鬼不應一枕心空眼都淨奴星度入鬼今當遷
為結柳車縛草船草船翻柳車覆羊角風來旋入屋嗚呼
舜欽能爾留孫樵漫爾逐且復爾所伴吾宿

冥漠既有知便可效為神今夕對星月牲酒為爾陳古人

祝癘忘自傲使瞰高明禍姦佞

皮襲美祝癘
癘文中語

爾不集苑甘

集枯我有祝詞請垂聽幽闔屋漏際居之足相予情職懲
予媮黷貨譴子愚子若公孫宏爾當責其矯子若司馬安
爾當罪其巧爾為明神我君子敢厭精靈久居此但勿無
端作鬧耳

晨作出塞遊啟戶霜月白纔局此室又有聲齟齬齧齧若

相責

用易
林語

昨者陳義高恐爾或未明且復立斯須為爾醫

心盲凶宅人久避鬼餒將何營幸我誤投此荒廚供食

去聲

羹廚人常
設薄祭爾不謀身翻我拒我豈安身患無所異時閉置

成若敖爾自悲啼我遐舉

自我抵興桓郵訊間日通云我離舍後鬼物彌強雄薄暮
拋三錢駕塵而曠風張眼吐舌見者仆仆者何人爨下嫗
嗟爾厲亦何醜始作禍崇繼擲揄只解欺凌孺與婦是誠
小人勿與纏亟僦他舍吾其遷

新居已定吾歸來一車家具隨飛埃

自滌陽回
即遷寓

室中忽空

洞令鬼生疑猜蓐食已畢筐挂楹筐中索索如蟹行知鬼
憾吾去握手將覆羹鬼乎哂正言悔恨已云晚爾如願人
居迷途尚未遠能教此宅成吉祥他日吾當為爾返

詠懷十二首

童卯執六經所聞在辨志孔顏有同業稷契匪殊事人生

別少長學術判涇渭散帙擷英華
干時竊榮利遂令學道
心轉為外物累聖賢去日遠河漢
渺難企仕宦竟何成讀
書老將至流汗對古人
拊心負弱歲

儒生際庠明豈敢託枯槁雲達占
鴻儀梧岡翺鳳藻舟楫
良所需珠玉未云寶嗟予實蹇劣
率爾荷恩造用等入
承明虛存濟物抱常恐鷓鴣鳴秋
風萎小草經綸屬何人
平昔謝研討諒哉命世士不求致
身早慷慨蓬廬中鳴琴
述王道

遊鷗徙天池雜縣止魯門違性饗
鐘鼓滯迹侔籬樊卻願
風雲會縱鱗高浪翻達人貴知命
升沈詎所言但勿嬰世

慮終然外塵喧

朱門何輝煌白日相照耀啟鑰軒蓋萃影纓走趨效磬折
忘所歸歡言託津要寂寥子雲居閉戶卽蓬藿俛暇全吾
真沈醉豈埋照聊避元規塵進知鄧禹笑

樞地炫登踐近天勢堪躋捷足騁良圖舉翼陵高梯世情
例軒冕賤子異階基大易戒知進老氏尚守雌甘井易涸
竭平途有嶽巖牽鹽安驚駕籥雲恣裏蹄定分良不渝物
理安可齊

通經務適用政術見大略六籍彰西京日星已炳爍後乃
為世資取說濫圭爵沿流考據繁支離更穿鑿積力隨煙

消課功等殖落實事既尠裨榮名亦何託念此悔疇曩一
釋蠶繭縛揆今預設施覽古重斟酌

詩教衷無邪南風雅頌備體裁各有宜流派出偏至一從
唐宋來斷斷劃徑術遂豈知取用宏通材泯同異多師是
汝師少陵一言蔽把卷妙權衡操翰忘指使浩歌激清風
宜抗復宜墜情景隨所遭何與唐宋事

顏冉南面才曾未事著述管葛存遺編言炳在功立子集
千萬家不朽孰能必偶傳亦有命自餘空戰善名乃實之
賓君子務其實

矯情獲百利正心歸一善此重彼自輕匪董諒誰辨端居

足息機悟物得所遣幽庭散紅芳空壁上翠蘚晨颺帷幕
舉夕景壺觴餞怡志靡崇卑安事陟雲巘仕隱兩無悶繫
匏亦既免

今我忽不樂旅居寒食時頽陽照我屋零露濡我衣念昔
來京邑一慟松阡違五嶺多白雲

先塋在西山五嶺之陽

惟與夢魂

依年時各上冢而我獨長辭悠悠顯揚業惻惻心肝摧清
修亟用勛寔成誓墓歸

宣南足行樂歌舞逾北里高車盛謙從晨夕常戾止借問
此何人嬉娛藉媒仕狹路有捷徑結交多趙李不羞市井
名相逐遊閒子齷齪焉足道幽人慎所履

日暮思親友布衣交最深塵區撫縮鬢春事隔青岑庭莎
遲捷意鄰柯換禽音賞心日以遠勝引誰相尋長揖當途
子歲寒保山林

三月六日為家慈誕辰同年徐直卿編修題蔣秋

吟庶常詩朱棻堂武部為卿及門趙雨樓光祿姚來

卿晏趙斗垣柄趙伯期榮余鳳喈張記水慧並

來稱祝相與飲酒樂甚

笙陔有聲無其詞相戒以養義可知無聲之樂乃更好年
家助獻流霞卮年家古誼逾親串况有門生爇香辦綵服
芳春蓮炬輝錦幃晴晝護花綻四筵歡讌到初更送客歸

來壺自傾醉倒穉瑜人寂寂惟聞 堂上喚兒聲

謁楊忠愍公祠

司曹建言立名節拜杖荷戈非所惜誰能九死益強直不知有身知有國狄道歸來憤填臆嵩罪較鷲倍宜殛當道豺狼莫敢劾位卑言高良越職感恩自拌萋血碧懦夫頑夫絕指摘夷惠雖偏已臻極吁嗟乎鴉聲愛聽原吉祥

平生

最愛鴉聲好先生句也

鴉之報凶何異孤鳳鳴朝陽彼聽不聰惜廟

廊風波亭偃月堂凶姦一例殘忠良畢竟鈴山灰滅但餘臭公則枷鎖已先祖豆香至今長頭奇表奕奕臨堂皇近與西部血影之石聯光芒我來薦蘋藻欲以青霞先生祔

其旁臨風更憶張襄愍知公日與騎龍上下相翱翔

過南天門

亂山如伏龍鬚鬣翻溟滄窄徑似修蟒陰壑恣遁藏徑絕
山四塞尼底凌高閭天柱屹崑崙雲棧聯蜀岡厚坤結全
勢建瓴壓堂皇南天萬里來一握餘青蒼叢叢磨上蟻行
行去何方盤旋無轍迹向背迷陰陽絕頂隱石匣斜閉白
日光嚴扃忽斷鎖頽缺驚排牆飛鳥不敢越征夫此褻裳
懸車仰抵隙萬牛俱迴惶風雷闢一閩戶牖瞰八荒嵌空
銀榜橫檠戟森其旁突跨鐵門限陡落千丈強齷崖勢達
嚮餘怒爭低昂莽蒼奔平楚咫尺窮回望近關第一險汗

出已翻漿來朝黃土坎更復青石梁

由古北口至兩閒房途中口占

萬峰隱天日已晡關門匹馬爭先驅
僊從遠隔林巒紆熊羆虎豹臥塞途
巉巖中關開奧區四天溟色低穹廬
煙中草樹青模糊平沙作海涵空虛
靈潮暗扶萬怪趨水光盪白天東隅
羣山如龍月如珠左擎右攫爭須臾
一丸倏忽跳雲衢明崖暗谷皆冰壺
寒淒萬景砭粟膚露光和月毛髮濡
仰面數星墮白榆諸嶺幽闕石竅嘘
偶落效唾干聲俱山山對面相叫呼
精靈遊戲來清都道旁老魅如挪揄
青林狐火出朽株馬蹄踣躑不敢踰
清景怖人怪且吁驛

程旆旆紛火荼前後萬騎中忽孤愈孤愈勝憑誰摹大荒
山經柏翳圖燕雲回首一夢蘧此身尚在人境無

雨中策馬進哨門

清都當日門鎖宅亂石護局如雨擲千年鬼斧琢丹翠十
步九殊無定色龍工有意襯礮頭倒向青天噴濃墨朝嵐
滄日連溼雲窈窕珠簾隱沙磧馬頭衝雨去無路每轉一
徑皆剝獲層厓霜葉爛奇錦遠觀非樹更非石金堂玉室
荒外閩亙古無人忽開闢千乘萬騎堂堂馳虎豹守關遮
不得我昔評畫疑荆關真宰當惟意所適詎知造化先得
之著手仙山出凡格宇宙獻奇恆低徊坐使古人阻荒極

遶哉仙窟今更徒任逐狼麋與獮貊書生局縮謝馳騁且
喜雲巒供岸幘祇恐山靈致笑詰急雨何來敞門客

別灤陽

山城坐無事秋深如歲晏欣管理歸裝臨發轉留戀灤陽
我再遊已成故人面晤期兩載判別約重九踐風雨餘茲
辰傾樽聊自勸帳外僮僕語佳節異鄉厭盍登故山高歡
侍萸菊讌聞此一笑置去住信天遣整冠出就車拱手向
層巘不知磬錘峰一生當幾見

瀛臺曉直觀冰嬉

橐筆趨金鼈寒空引遐矚華島影削瓊仙壺光瑩玉明鏡

俯玻璃陰羽辨林麓 至人方披章 行殿猶秉燭冰上

漸有人隄外已立鵠半晌開神山萬景盪晴旭劍佩各在

腰旒旒紛滿目選軍佯淩波淩波軍於五日競渡奪標見南唐書打標仿拍

鞠任不失履綦氣先勁裝束脂牽豨膏分踣鐵馬腕蹙隊

冰鞵木底如高履無齒似曾加膏油者星津動 華幟月地轉 黃屋騰空

下彩球導前揚大纛放溜百道衝奪錦一心欲踵合黏脂

膠人各並兩足不開步脛挺植竿木忿執搦弓危高尻運輸速橫著

韓果翅直奮樓季足影瞥下瀨颿機迅離弦鏃奔星帶響

流長風恣意撲青莫鞞競移貴由赤快行也見相續當先

一鳥過尾後六馬逐後者忽見踰先者反為踏一丸跟肘

交兩賢性命搏勢迫或失持影亂或誤捉迷離董偃盤脫
落巢王稍痾癯蝸獨承象罔珠竟握 賚邀餅金頽迹餘
花纈簇 法駕迴蒿宮侍臣緬蘭澳清光江海凝材勇禁
廂蓄昆池習戰煩凌橋渡兵促何如際 承平講武武不
黷歸去吟興賒天花散滕六

歸程見楊柳有感

積霽收雨痕新煙蕩晴翠三日別垂楊萬綠忽到地春風
來不知山山靜如睡今我獨縈懷塵鬢幾絲頽何待攀十
圍光陰曉暮異重遊須隔年忍辭夕陽寺繫馬何樹根好
囑宮鶯記

張船山銓部除守萊州赴灤引 見後與同伴小集

寓舍作長短句贈之

都下稱老船

京朝官上至王公皆呼船山為老船

廿年指一彈老船遊海內

到處足千載造物生君才豈為吟詩來詩篇為君壽半生亦已數何況杜老堅許身作詩正欲摠經綸又若蘇公寫忠孝山川民物皆詩料眉山上溯浣花谿與君並洩川蜀奇世人概君詩與酒未知酒趣安知詩

天子待君非草草不令但作神仙老翰林司諫還司封搏身總覺罡風好潁川黃次公太守階丞相君亦何必然適意惟所向詩人有性真親民即宜民良二千石古稀觀患

在麻木而不仁以君愛人深何人不相循以君愛才切何才不陶甄適言嗤隨園作吏俗而已必若戀清華奄然死文史五馬威儀况已尊君意並無輕與軒屈已為民得展布趨風手板如雷奔信口贈君詩為君酌大斗不信送人作郡者勸食升米須止酒萊人釀酒東海濱早晚獻作公堂春君子酒間提大筆中和樂職自成什此時持詫高陽徒風雲月露增色無君說悅我言更呼燭吏事談餘詩事續卻怪旁觀老吏但顰蹙終席愁君不能俗

東郭吟

東郭雪中履穿久不礙行周折自規矩足寒豈傷心朱茨

方錯然斷足為韞登峭雨無坦途京洛多驚塵蹙蹙道旁
丐相待鸞鶴迎一朝擲腳鞋笑軼浮雲征

明天啟三年餞金小鐵斧歌

斧展明廷久虛位熹廟童騃玩神器九重法物此么麼斲
罷月宮鏗墜地金花慘澹銀花寒神州寸鐵形模殘威械
無威大枋小蠅蜒漫認雙龍蟠款誌年庚重回首闡奴秉
筆從辛酉三年更鑄一錯成仗鉞刺邊任羣醜是時內操
方弄兵氣連閩蜀戈鋌橫廠衛銀鐙復肆燄當空太白搖
金精頑鐵無知供操作滿几零星鋸椎鑿章奏何來朕已
省宵衣忙煞蓮花鐔古來元化窮雕鏤共工以下梧齊侯

豈知巧匠作天子還令廟社成荒邱
茄花慟哭出宮去齒髮龍函奉神御
運斤妙手一朝空此時此斧歸何處
貂璫伏鎖鼎隨淪妖物清時委路塵
從來殷鑒須留取訓著風愆古大臣

楊時齋提軍

遇春劉松齋都轉

清夜集寓舍醉中作

長歌奉贈

老楊將軍萬口傳誰其匹者劉青天
今夕何夕同此筵懋馬仰月喧城邊
兒童走卒門巷填攢頭競進窺燈前一揚
火色奮戟犇一植瘦骨垂霜顛高談風發眸
珠懸殺蒸磬後噉彘肩我起其間雙袖揜
淋漓醉墨書堂榜茲堂閱人

二百年顏以聚星今始然書竟擲筆枕藉眠吾愛二公言
難宣古來疆事憑貂蟬武官惜死文愛錢若輩痼疾膏肓
纏國脈何恃能長延二公百戰勳名全常使衆志金城堅
丈人弟子成深緣行閒出入兩飛仙誰道文武殊班聯惜
如太阿與龍泉稀世尙覺生材偏長空四望星氣連九野
齊捧圓蓋圓公等早應英雄躔異時輝映須後賢識拔塵
下諒所先心兵指授誠拳拳一可化百百化千將才從此
收聯翩郭令廝養皆戎旃

帝得猛士守垓埏山河永固鐘鼎鑄大美豈非公等專二
公相諾交相憐出門上車吾執鞭回頭仰覩旭彩鮮西南

萬里無風煙

喜張雙湖表兄見訪次韻

昨宵話天南侵晨報有客萬里忽眼前一笑顏如昔際時

良足欣鳳驥方振策

時以滇中縣佐保升會澤令來京引

見與君託交親情

詞略形迹大邑付循良顧名思會澤炎荒乍洗兵百里儼
新闢照得蠻霧清始知卿月白錯處紛土苗教化務心格
君才善治邊大府久推赤熟路駕輕車三遷駛星驛豔豔
黃菊花勵節在秋夕贈言應首肯傾此一筭碧安知後會
期不又十年隔開卷讀新詩深更忘錯寫

勒衛士

勒衛士衛士紛如麻 神武門前盡白刃陰雲四塞風沙
沙領軍上將年甫冠兀立當門好軀幹左喧右譁聞不聞
或戲執冰或語難外若此內如何昨者調火器盈千入鶴
鵝鶴鵝之勢本搶攘矧越二日不見饑關心問領軍伊誰
勒衛士若非外內通饒絕防變起領軍無言晒而已是夕
府以麩餅一千斤至門余所請於兼尹者
也內軍間消息鼓譟入之得食始少安

促收屍

促收屍賊屍方縱橫禁垣豈合染凶穢惟大司寇當邁行
何況僵臥之中半生死指認死者憑殘生亟乘此時鞠究

真免致後日無分明可憐大司寇哀詞籲樞相案前奏牘
出雲司未列我名恐忤 上遷延改繕不覺一時復一時
死生呼吸遂令生者無子遺無子遺左證失紛紛索逋逃
安知非已殛君不見尺書下馳無虛日騷動四方不獲一

賊在表

賊在表堪瞭如 東華西華揭旗入十四十一旗無餘渠
魁廿五一領十生獲供詞經互質以生核死數悉符姓名
細錄無模糊斜行旁上覽即盡捕風捉影何為乎相公視
此表歎為得要術侍郎視此表乃云不祥物譎言再四罷
進呈任彼索塗仍摘埴嗚呼此表豈易成晝夜鉤摘空殫

精吾問唐室巨姦數藍面阻勤王者不得見事有大小將
毋同履霜之防在相公

敘雪堂

敘雪堂取義明敘案超雪彰好生滔天逆惡信難追名捕
胡託死者名今日劉第五明日劉第五牒送到堂不勝數
悉歸周內無所疑已定極刑有餘怒將刑其奈同名何連
羈獄底憑消磨消磨恐未盡羅網彌繁恣殘忍殘忍誰與
親雲亭薦牘稱威神吁嗟乎立時大用固可必天禍蒼生
要此人

讀漢書偶感一首

牢邪石邪

牢邪石邪五鹿客邪武庫向方殫賜物邪安昌紅休儼為
國邪鹿久徙菟何牢石邪有自踵增其流極邪莽是之資
漢以覆邪

平陵東

平陵東松柏桐門生來哀義公莽舌斷新室覆誰能旌義
公所冀在赤伏休休休不念翟義公翻爵不義侯二百年
後山陽貶孰仗大義扶神州